

樂府詩集卷第二十七

太原郭

茂倩

編次

相和歌辭

相和曲中

度關山

魏武帝

樂府解題曰魏樂奏武帝辭言人君當自勤苦
省方黜陟省刑薄賦也若梁戴暘云昔聽隴頭
吟平居已流涕但叙征人行役之思焉

天地間人為貴立君牧民為之軌則車轍馬迹經緯四極黜
陟幽明黎庶繁息於鑠賢聖總統邦域封建五爵井田刑獄
有燔丹書無普赦贖臯陶甫侯何有失職嗟哉後世改制易
律勞民為君役賦其力舜漆食器畔者十國不及唐堯采椽
不斷世歎伯夷欲以厲俗侈惡之大儉為其德許由推讓豈

有訟曲兼愛尚同疏者為戚

右一曲魏樂所奏

同前

簡文帝

關山遠可度遠度復難思直指遮歸道都護總前期力農爭
地利轉戰逐天時材官蹶張皆命中弘農越騎盡塞旗塞旗
遠不息驅虜何窮極狼居一封難再覩閼氏永去無容色銳
氣且橫行朱旗亂日精先屠光祿塞却破夫人城凱還歸舊
里非是銜功名

同前

戴 暉

昔聽隴頭吟平居已流涕今上關山望長安樹如薺千里非
鄉邑百姓為兄弟軍中大體自相裒其間得意各分曹博陵
輕俠皆無位幽州重氣本多豪馬銜首着葉劒寶一作驚鵲
膏初征心未習一作復值雁飛入山頭看月近草上知風急

笛鳴曲難成笳繁響還澀武帝初承平東伐復西征薊門海
作塹榆塞冰為城催令四校出倚望三邊平箭服潮來動刀
環臨陣鳴將軍一百戰都護五千兵且決雄雌眼前利誰道
功名身後事丈夫意氣本自然來時辭弟一作已聞一作天
但令此身與命在不持烽火照甘泉

同前

柳惲

長安倡家女出入燕南垓與持德自美本以容見知舊聞關
山道何事總金羈妾心日已亂秋風鳴細枝

同前

劉遵

隴樹寒色落塞雲朝欲開谷深輦易響路狹憶難回當知結
綬去非是棄繻來行人思顧返道別且徘徊願度關山鶴勞
歌立可哀

同前

王訓

邊庭多警急羽檄未曾閒從軍出隴坂驅馬度關山關山忙
晡靄高峰白雲外遙望秦川水千里長如帶好勇自秦中意
氣本豪雄少年便習戰十四已從戎昔年經上郡今歲出雲
中遼水深難渡榆關斷未通折衝凌絕域流蓬驚未息胡風
朝夜起平沙不相識兵法貴先聲兵中自有程逗遛皆贖罪
先登盡一城都護疲詔吏將軍擅發兵平盧凝縱火飛鷗畏犯
營輕重一為鹵一作虜金刀何用盟誰知出塞外獨有漢飛名

同前

張正見

關山度曉月劒客遠從征雲中出迴陣天外落奇兵輪摧偃
去節樹倒礙懸旌沙場折坂暗雲積榆溪明馬倦時銜草人
疲屢看城寒隴胡笳澀空林漢鼓鳴還聽鳴咽水併切斷腸
聲

同前

李端

雁塞日初晴胡關雪復平危竿緣廣漢古竇傷長城拔劍金星出彎弧玉羽鳴誰知係虜者賈誼是書生

同前

馬戴

金鎖耀兜鍪黃雲拂紫騮叛羌旗下戮陷壁夜中收霜霰戎衣故關河磧氣秋箭瘡殊未合更遣擊蘭州

火發龍山北中宵易左賢勒兵臨漢水驚雁散胡天木落防河急軍孤受敵偏猶聞漢皇怒按劍待開邊

東光

古辭

古今樂錄曰張永元嘉技錄云東光舊但絃無音宋識造其歌聲

東光乎倉梧何不乎倉梧多腐粟無益諸軍糧諸軍遊蕩子早行多悲傷

右一曲魏晉樂所奏

十五

魏文帝

古今樂錄曰十五歌文帝辭後解歌瑟調西山
一何高彭祖稱七百篇辭在瑟調

登山而遠望谿谷多所有梗枿千餘尺衆草之一作盛茂華
葉耀人目五色難可紀雉雖山雞鳴虎嘯谷風起號罷當我
道狂顧動牙齒

右一曲魏晉樂所奏

登高丘而望遠

李白

登高丘而望遠海六鼇骨已霜三山流安在扶桑半摧折白
日沉光彩銀臺金闕如夢中秦皇漢武空相待精衛費木石
鼃鼃無所憑君不見驪山茂陵盡灰滅牧羊之子來攀登盜
賊劫寶玉精靈竟何能窮兵黷武今如此鼎湖飛龍安可乘

薤露

古辭

崔豹古今注曰殯露蒿里泣喪歌也本出田橫
門人橫自殺門人傷之為作悲歌言人命奄忽
如殯上之露易晞滅也亦謂人死魂魄歸於蒿
里至漢武帝時李延年分為二曲殯露送王公
貴人蒿里送士大夫庶人使挽柩者歌之亦謂
之挽歌譙周法訓曰挽歌者漢高帝召田橫至
尸鄉自殺從者不敢哭而不勝哀故為挽歌以
寄哀音樂府解題曰左傳云齊將與吳戰於艾
陵公孫夏命其徒歌虞殯杜預云送死殯露歌
即喪歌不自田橫始也按蒿里山名在泰山南
魏武帝殯露行曰惟漢二十世所任誠不良
曹植又作惟漢行

殯上露何易晞露晞明朝更復落人死一去何時歸

同前

魏武帝

惟漢二十二世所任誠不良沐猴而冠帶知小而謀彊猶豫
不敢斷因狩執君王白虹為貫日已亦先受殃賦臣持一作執
國柄殺主滅宇京蕩覆帝基業宗廟以燔喪播越西遷移號
泣而且行瞻彼洛城郭微子為哀傷

右一曲魏樂所奏

同前

曹植

樂府解題曰曹植擬瑾露行為天地

天地無窮極陰陽轉相因人居一世間忽若風吹塵願得展
功勤輸力於明君懷此王佐才慷慨獨不羣鱗介尊神龍走
獸宗麒麟蟲獸豈知德何況於士人孔氏冊詩書王業粲已
分騁我徑寸翰流藻坐華芬

同前

張駿

在晉之二葉

世一作

皇道昧不明主暗無良臣艱

一作姦

亂起朝

庭七柄失其所權綱喪典刑愚滑窺神器牝鷄又晨鳴哲婦
逞幽虐宗祀一朝傾儲君縊新昌帝執金墉城禍釁萌宮掖
胡馬動北垆三方風塵起獫狁竊上京義士抗素婉感慨懷
憤盈誓心蕩衆狄積誠徹昊靈

惟漢行

曹植

太極定二儀清濁始以形三光炤八極天道甚著明為人立
君長欲以遂其生行仁章以瑞變故誠驕盈神高而聽卑報
若響應聲明主敬細微三季曹天經二皇稱至化盛哉唐虞
庭禹湯繼厥德周亦致太平在晉懷帝京一作時日晏不敢寧
濟上在公朝萬載馳其名

同前

傅玄

危哉鴻門會沛公幾不還輕裝入人軍投身湯火間兩雄不

俱立亞父見此權項莊奮劍起白刃何翩翩伯身雖為蔽事
促不及旋張良帽坐側高祖變龍顏賴得樊將軍獸當作虎叱
項王前嗔目駭三軍磨牙咀豚肩空厄讓霸王臨急吐奇言
威凌萬乘主指顧回泰山神龍困鼎鑊非噲豈得全狗屠登
上將功業信不原健兒寔可慕腐儒何足數

蒿里

古辭

蒿里誰家地聚斂魂魄無賢愚鬼伯一何相催促人命不得
少踟躕

同前

魏武帝

關東有義士興兵討羣凶初期會盟津乃心在咸陽軍合力
不齊躊躇而雁行勢利使人爭嗣還自相戕淮南弟稱號刻
璽於北方鎧甲生蟣蝨萬姓以死亡白骨露於野千里無雞
鳴生民百遺一念之斷人腸

右一曲魏樂所奏

同前

鮑照

同盡無貴賤殊願有窮伸馳波催永夜零露逼短晨

一作漏
一作永

夜露宿
逼短晨

結我幽山駕去此滿堂親虛容遺劍佩美

一作實

貌戢

衣巾斗酒安可酌尺書誰復陳年代稍推遠懷抱日幽淪人
生良自劇天道與何人齎我長恨意歸為狐兔塵

同前

僧貫休

免不遲烏更急但恐穆王八駿著鞭不及所以蒿里墳出叢
叢氣凌雲天龍騰鳳集盡為風消土喫狐掇蟻拾黃金不啼
玉不泣白楊騷屑亂風愁月折碑石人莽穢榛沒牛羊窻宰
時見牧童兒弄枯骨

挽歌

繆襲

生時遊國都死沒棄中野朝發高堂上暮宿黃泉下白日入

虞淵懸車息駟馬造化雖神明安能復存我形容稍歇減齒
髮行當墮自古皆有然誰能離此者

同前

陸機

卜擇考休貞嘉命盛在茲夙駕警徒御結轡頓重基龍懷被
廣柳前驅矯輕旗殯宮何嘈嘈哀響沸中聞闈中且勿喧聽
我殯露詩死生各異倫祖載當有時舍爵兩楹位啓殯進靈
輜飲餞觴莫舉出宿歸無期帷衽曠遺影棟宇與子辭周親
咸奔湊友朋自遠來翼翼飛輕軒駟策素騏按轡導長薄
送子長夜臺呼子子不聞泣子子不知歎息重槐側念我疇
昔時三秋猶足收萬世安可思殯歿身易亡救子非所能含
言哽咽揮涕涕一作淚流離

重阜何崔嵬玄廬竄其間磅礴立四極穹崇效一作放蒼天測

側一作聽陰溝涌卧觀天井懸墻宵何寥廓大暮安可晨人往

有返歲我行無歸年
 簪居四民宅今託萬鬼鄰
 簪為七尺軀今成灰與塵
 金玉簪一作素所佩鴻毛今不振
 豐肌饗螻蟻骸永夷泯
 壽堂延魑魅虛無自相賓
 螻蟻爾何怨魑魅我何親
 拊心痛荼毒永歎莫為陳
 流離親友思惆悵神不泰
 素驂佇轎軒玄駟驚飛蓋
 哀鳴興殯宮迴遲悲野外
 魂輿寂無響但見冠與帶
 備物象平生長旌誰為旆
 悲風鼓行軌傾雲結流藹
 振策指靈丘駕言從此逝

同前三首

陶潛

荒草何茫茫白楊亦蕭蕭
 嚴霜九月中送我出遠郊
 四面無人居高墳正嵯峨
 鳥為動哀鳴一作馬為仰天鳴林風自蕭條
 幽室一已閉千年不復朝
 千年不復朝賢達無奈何
 向來相送人各以一作已歸
 其家親戚或餘悲
 佗人亦已歌死去何所託
 體同山阿

有生必有死早終非命促昨暮同為人今旦在鬼錄魂氣散
何之枯形寄空木嬌兒索父啼良友拊我哭得失不復知是
非安能覺千秋萬歲後誰知榮與辱但恨在世時飲酒恒不
足

在昔無酒飲今但

但一作恨

湛空觴春醪生浮蟻何時更能嘗肴

案盈

一作列

我前親戚

一作舊

哭我傍欲語口無音欲視眼無光

昔在高堂寢今宿荒草鄉荒草無人眠極視正茫茫一朝出

門去歸家

一作來

良未央

同前

鮑照

獨處重冥下憶昔登高臺傲岸平生中不為物所裁埏埴門只
復閉日蟻相將來生時芳蘭體小蟲今為災玄鬢無復根枯
體依青苔憶昔好飲酒素盤進青梅彭韓及廉藺疇昔已成
灰壯士皆死盡餘人安在哉

同前

祖孝徵

昔日驅駟馬謁帝長楊宮旌懸白雲外騎獵紅塵中今來向
漳浦素蓋轉悲風榮華與歌笑萬事盡成空

同前

趙微明

寒日蒿上明淒淒部東路素車誰家子丹旆引將去原下荆
棘叢叢邊有新墓人間痛傷別此是長別處曠野何蕭條青
松白楊樹

同前二首

于鵠

陰風吹黃蒿挽歌渡秋水車馬却歸城孤墳月明裏
雙轍出郭門綿綿東西道送死多於生幾人得終老見人切
肺肝不如歸山好不聞哀哭聲默默安懷抱時盡從物化又
免生憂擾世間壽者稀盡為悲傷惱

同前

孟雲卿

草草門巷喧塗車儼成位冥冥何所須盡我生人意北邙路
非一作不遠此別終天地臨穴頻撫棺至哀反無淚爾形未衰
老爾息猶童稚骨肉不一作安可離皇天若容易房帷即虛張
庭宇為哀次殯露歌若斯人生盡如寄

同前

白居易

丹旄何飛揚素驂亦悲鳴晨光照閭巷輜車儼欲行蕭條九
月天哀挽出重城借問送者誰妻子與弟兄蒼蒼上古原峨
峨開新塋含酸一慟哭異口同哀聲舊壠轉無絕新墳日羅
列春風草綠北邙山此地年年生死別

對酒

魏武帝

樂府解題曰魏樂奏武帝所賦對酒歌太平其
旨言王者德澤廣被政理人和萬物咸遂若梁
范雲對酒心自足則言但當為樂勿徇名自欺

也

對酒歌
太平時吏不呼門
王者賢且明
宰相股肱皆忠良
咸禮讓民無所爭訟
三年耕有九年儲
倉穀滿盈
班白不負戴
雨澤如此
百穀用成
却走馬以糞其上
田爵公侯伯子男咸愛其民
以黜陟幽明
子養有若父
兄犯禮法
輕重隨其刑
路無拾遺之私
囹圄空虛
冬節不斷人
耄耆皆得以壽終
恩德廣及草木昆蟲

右一曲 魏樂所奏

同前

范雲

對酒心自足
故人來共持
方悅羅衿解
誰念髮成絲
徇性一作往良為達
求名本自欺
迨君當歌日
及我傾樽時

同前

張率

對酒誠可樂
此酒復芳醇
如華良可貴
似乳更甘珍
何當留